

Comentario:

Masha danki Juby pa tur loke mi a siña di bo

Pa Mercedes Monge

Tur hende sa y ta comenta: “Juby Naar ta un enciclopedia humano. Un buki di historia cu ta papia y cana...” y hopi mas cu por bisa di dje y den tur tereno cu por imagina ademas di cultura, teatro, arte en general y deporte, y evidentemente e historia di su Isla Natal y di henter Antiyas y rond di dje.

Hopi di su conocementonan el a aporta na comunidad atravez di su relatonan den DIARIO, un corant di cual e tambe ta un arkitekto y un pilar.

Awe, Diabierna 14 di Maart, pa decision propio, Juby ta cera un capitulo di mas di tres decada cu DIARIO, pasobra el a pasa mas ora na pia di trabao cu den su mes

cas. Tempo cu mi a cuminsa como reportero akinan, despues di a traha tempo cortico den tres otro corant, mi por a conta cu Juby Naar pa coregi e forma con mi tabata skirbi Papiamento. Manera nos tur sa cada corant tin su mesun estilo y su forma di skirbi Papiamento, y ora mi a yega DIARIO mi mester a adapta na su estilo, cultura y Papiamento.

Mi ta corda cada bez cu mi tabata ripiti un fout riba dia cu Juby tabata cera e corant “Dios haya mi confesa”, pasobra un bon hala di atencion mi tabata ricibi. E ora ey mi a dicidi pa traha un lista di palabra den un schrift cu tanto e palabranan

cu Juby tabata coregi mi, pero tambe cada un cu mi tabata puntre pa yuda mi, of esnan di origen Hulandes y cualkier aspecto gramatical cu e tabata splica mi “e no ta malo pero asina ta mi-hor” mi tabata tuma nota. Y asina aki den e transcurso di añanan, mi por bisa cu hopi gratitud “cu danki na Juby” (y tambe na Nilton Lacle), mi a crece como redactor den nos corant.

Pero esaki ta un parti. E otro ta e Jubi “jocoso”, cu ta gusta conta storia y historia y bo mester tuma bo tempo pa scuche, pasobra e no ta caba den 10 minuut y e ta cautiva bo. Y su caracter di



haci joke y haci manera e ta rabia cu bo, y ora bo kere e ta bisa bo: “ta tenta mi ta tenta bo”.

Mester puntra Jubi di con a batiza mi como LCD. E ta hopi pret, pero un compliment. Mi nieto Durayd ora e bin cerca mi, e ta bay mester bay Juby, pasobra nan tin hopi di papia tocante futbol. Y nan ta tuma otro hopi na serio, algo leuk pa mira.

Aunke e ta un te aworo awe na un colega hopi stima, un homber hopi versa cu ta domina tur angulo di peri-

odismo, mi sa cu e lo sinti nos falta y nos lo sinti su falta hopi. Juby, mi ta desea pa bo disfruta hopi di e etapa nobo aki di bo bida, mi ta sigur cu mucho tempo liber lo bo no tin cu invitacion aki aya pa sigui duna charla, mi ta keda na expectativa di mas buki di bo, pa e baul di informacion cu tin den bo memoria nunca bay perdi pa e proximo generacionan; mi ta desea pa e bira un maraviyoso realidad. CHAO JUBY. Bendicion y danki un biaha mas!